

# Stuart Smit y Monica Pimentel a clasifica pa e Weganan Centro Americano y del Caribe



**ORANJESTAD** - No menos cu tres siman pasa e atleta den e deporte di taekwondo esta Stuart Smit a logra gana medaya di brons pa Aruba den e Weganan Sur Americano na Santiago de Chile. Un logro cu henter Aruba a keda papia di dje. E medaya di brons obteni a bira Smit su di cuater medaya den weganan regional logra pa Aruba. Esaki ta haci Smit e atleta cu mas exito a cosecha pa Comité Olimpico Arubano cu un total di 4 medaya logra den weganan

regional. Diahuebs mainta, e atleta Stuart Smit y e delegacion Arubano di taekwondo a competi den e ronda clasificacion pa e Weganan CAC den e Open di taekwondo na Republica Dominicana. E atleta Smit a bolbe impone unda e ta logra un di tres lugar bon pa un medaya di brons y su clasificacion pa e Weganan Centro Americano y Del Caribe cu lo tuma lugar den luna di november proximo na Veracruz, Mexico. Banda di Smit, un otro atleta

di Aruba tambe a logra su clasificacion. E atleta femenino Monica Pimentel a logra clasifica pa dicho weganan despues di triunfo ariba su contrincante Portorriqueño Rivas. Esaki ta nifica cu e deporte di taekwondo y Aruba lo tin dos representante den luna di november na Veracruz, Mexico. Comision di Subsidio y Lotto pa Deporte ta felicita e federacion ARTBO pa cu e guia y atencion duna na e atletanan y e deporte di taekwondo. Tambe nan ta fe-

licita e atletanan Stuart Smit y Monica Pimentel cu nan clasificacion pa e Weganan CAC. □